

夏桂洲奏議



09862

桂洲夏文愍公奏議第二卷

諫垣集卷之二

查勘皇莊田土疏

節該戶部題先因給事中底蘊奏稱正德年來姦猾無藉之徒規稱湖蕩等項無人之地投獻近倖勢要之官具奏建爲皇莊臨近居民被其混賴侵占乞行撫按等官查勘等因已經該部議擬題奉欽依轉行各該撫按衙門委官親詣各該皇莊處所從公查勘通行去後續因傳奉事理該部執論及看得查勘事宜干係重大必須另差科道部屬官員假以事權公同查勘等因題奉

桂洲奏議

卷之二

一

欽依是畿內根本重地祖宗朝屢有優恤禁例近年以來姦猾無藉之徒妄將軍民田土指作空閒設謀投獻管莊官校人等因而乘機侵奪藉勢混賴橫征巧取百般尅害利歸羣小怨在朝廷以致軍民失業盜賊生發朕在藩邸已知其弊覽奏深用惻然便寫勅差科道部屬官各一員前去會同巡按御史親詣查勘但自正德元年以後朦朧投獻及額外侵占的盡行查出各依擬給主召佃管莊人員盡數取回著管屯僉事兼管該徵租稅照依原定則例折收銀錢原係皇莊的解部類進係皇親功臣的赴部關領不許自行收受亦不許佃戶



人等拖欠欽此節該部院等衙門題奉欽依差臣等前  
去查勘臣等切照皇莊及皇親功臣各項莊田所占各  
府州縣地方查得正德十一年以前已有三百八十餘  
處每處地土動計數千百頃中間侵占混奪之弊積襲  
已非一朝爲厲之階實起於姦人欲盡規地利以媚朝  
廷其流之弊則壞於勢家欲盡奪民產以肥私室其在  
宮闈者則中官禁卒旁午肆出而郡縣恣其搔擾其在  
勳戚者則豪奴悍僕肆行威斷而官府莫敢誰何雖嘗  
節經差官查勘終於患害不除蓋由私人貴戚憑藉寵  
靈猾少姦徒盤據窟穴是以積垢宿蠹莫可爬梳合勢

桂洲奏議

卷之二

二

朋姦動行沮撓此實累朝弊政至於先朝而極畿輔軍  
民剝膚摧髓之害莫有甚於此者也茲者伏荷皇上至  
仁體物軫念民窮故因言官建議亟蒙俞允之音繼因  
該部執奏特降諄切之旨旣將管莊人員盡數取回復  
禁皇親功臣不許自行收受厲階禍本一旦剷除中外  
人心不勝歡慶但先經該部具題備行撫按衙門去後  
續因差科道等官止令前去會同彼處巡按御史而於  
巡撫衙門顧未及之臣等愚昧以爲鋤擊豪強則於巡  
按之體爲切至於檢覈田土則於巡撫之職爲宜必須  
彼此會同方於事體穩便且順天等八府雖曰近在畿

旬然地方遼闊周延千里故撫按付以肆人分理今皇  
莊并各項莊田所占之地幾徧八府以正德十一年以  
前所有計之無慮九萬餘頃至於近年以來歲增日益  
踰鄉跨邑無處無之且先年祇因一二處奏辨告爭朝  
廷差官亦不過一二處踏勘尙且經年閱月方得事竣  
今舉列郡皇莊之多百年積習之弊一旦付臣等清理  
是宜舉措之間要必先有次第訪得各該撫按官員見  
今巡歷各在一方相去爾遠卒難期會合無查照該部  
原擬先行撫按衙門遵照先令節奉欽依事理一面委  
官分投親詣各處皇莊逐一查出肆至段落并原額頃  
畝數目及審有無侵占混賴等弊開具節略聽候臣等  
領勅前去親詣各該地方備出告諭嚴加督責密行體  
訪中間或權豪勢要沮壞行事或侵奪隱占積久難明  
或姦猾刁徒乘機混賴或貪官餌賄枉法欺弊或冗官  
玩法稽於奉行俱聽臣等會案施行應拏問者徑自拏  
問應參奏者指實參奏如此則先後有序而施爲不至  
於叢脞輕重有體而事理亦得於周詳尤望天語丁寧  
載之勅諭令各該地方官員文職自知府以下武職自  
指揮以下俱聽臣等委用有公勤幹濟者許臣等薦聞  
闕冗廢事者許臣等劾治庶足以振起庸常儆飭怠傲

而事乃克濟矣

桂洲奏議

卷之二

四



中華書局藏書

奉勅勘報皇莊及功臣國戚田土疏

節該欽奉勅諭順天等八府係是畿內根本重地祖宗朝累有優恤禁例近年以來姦猾無藉之徒妄將軍民田地指作空閒設謀投獻奏改皇莊管莊官校人等因而乘機侵奪藉勢混賴橫征巧取百般尅害以致軍民失業朕深惻然茲特命爾與山西道監察御史樊繼祖戶部主事張希尹公同查勘先行撫按衙門選委官員分投查審明白爾等即便前去會同各該撫按官照依戶部先後題准事理親詣各府地方用心覆勘凡正德元年以後各項莊田但有朦朧投獻及額外侵占者盡

桂洲奏議

卷之二

五

數查出各依擬給主召佃管莊人員盡數取回仍著管屯僉事兼帶督理該徵租稅照依原定則例折收銀錢原係皇莊者解部類進係皇親功臣者赴部關領不許自行收受亦不許佃戶人等拖欠其莊田內有成化宏治年間姦徒投獻者一體查勘各該府州縣衛所衙門官員人等文職自知府以下武職自指揮以下但有事體相干者悉聽督委調用公勤幹濟者從公旌舉敢有玩法廢事及軍民勢豪人等不服拘管特頑沮撓或姦猾刁徒乘機混賴或貪官餌賄枉法欺蔽者五品以上并勳戚指名參奏六品以下徑自拏問重治中間事情

有該載不盡凡有益於國家有利於軍民者悉聽會同  
從宜議處輕則徑自施行重則具奏定奪爾受茲委任  
須秉公持正悉心查理務使積弊盡革官民兩無虧損  
毋得徇情畏勢徒具虛文自貽咎責爾其慎之慎之欽  
此臣等除欽遵外先爲前事准兵科等衙門關劄該戶  
部左侍郎秦金等題查得先爲開讀事伏覩詔書內一  
款京通二倉水次倉皇城各門京城九門各馬房倉場  
各皇莊但係正德年來額外增添內臣司禮監照宏治  
初年例查奏取回欽此又該禮科給事中底蘊奏爲應  
詔查處皇莊事奉聖旨該部看了來說欽此該本部議

桂洲奏議

卷之二

六

擬題奉欽依轉行各該撫按衙門選委官員查勘去後  
旣而兵部又稱差管皇莊內臣官校數多移咨勘報等  
因到部臣等益加駭愕竊惟京師者天下之本而畿甸  
者又京師之輔也畿甸之民安則天下之民舉安歷觀  
前代之主無不以京師爲重者我太祖高皇帝以應天  
等處爲興王之處特將夏稅不時全免太祖文皇帝建  
都北平恪守成憲撫綏畿甸安戢人民列聖相承益隆  
無替夫何正德年來姦猾無藉之徒多將畿內逋逃民  
田投獻左右近倖之人奏爲皇莊况管莊內臣又憑城  
狐社鼠之勢而收租官校卽係設謀投獻之人出入往

來肆行無忌千方百計巧取橫征小民無所措手有司莫敢誰何而皇親駙馬功臣等莊田亦皆散布其間乘機侵奪借勢混賴往往有之幸賴陛下聖明入繼大統舉百弊而一掃之故有前項裁革管莊內臣之詔有以仰見陛下強本制末居重馭輕之盛心矣旬月之間乃復有此傳奉復立皇莊責令私人管理不意聖政維新之初乃復有此厲民之漸伏望陛下垂念畿輔根本重地將近日傳奉皇莊官店事理收回成命又看得查勘事宜干係重大必須另差科道部屬官員假以事權公同查勘庶幾克濟等因題奉聖旨是畿內根本重地桂洲奏議

祖宗朝累有優恤禁例近年以來姦猾無藉之徒妄將軍民田地指作空閒設謀投獻管莊官校人等因而乘機侵奪藉勢混賴橫征巧取百般剋害利歸羣小怨在朝廷以致軍民失業盜賊發生朕在藩邸已知其弊覽奏深用惻然便寫勅差科道部屬官各一員前去會同巡按御史親詣查勘但自正德元年以後朦朧投獻及額外侵占的盡行查出各依擬給主召佃管莊人員盡數收回著管屯僉事兼帶督理該徵租稅照依原定則例折收銀錢原係皇莊的解部類進係皇親功臣的赴部關領不許自行收受亦不許佃戶人等收受拖欠不



還欽此欽遵隨該臣等題爲查處田土事奉旨是先著撫按衙門選委官員上緊分投查審明白你每還去會同各該撫按官親詣覆勘務使積弊盡革官民兩無虧損戶部知道欽此欽遵等因到部備行前來臣等除遵奉勅諭親詣順天等府州縣會同前巡撫順天等府地方都察院右副都御史李昆今接管右副都御史孟春并巡撫保定等府地方都察院右副都御史周季鳳前巡按直隸監察御史王琳宋鉞今接管監察御史郭楠選委官員分投親詣各該地方拘集地隣并該圖里老人等嚴加查勘去後續據順天等府經歷司各將委官

桂洲奏議

卷之二

八

治中等官王槐等查勘過各該州縣原額莊田并投獻侵占額外軍民地土各項畝數目及取具業主召佃人戶退認供結領狀緣由造冊呈繳前來臣等覆勘相同除將成化等年姦民馮大經等投獻侵占地土隨就斷給原主管業有罪人犯案行該府提問依擬發落未到者照提歸結及將查勘過緣由備造文冊奏繳外切照臣等猥以菲材誤蒙委任奉命以來按行八府閱歷三時仰布明恩俯詢民瘼凡係成化宏治及正德年間皇莊及皇親功臣莊田但係姦民投獻勢要侵占者逐一盡數查出給主召佃還官歸民一切遵照勅旨施行所

據查勘過順天等府地方各項莊田地土共計二十萬九百一十九頃二十八畝退斷過侵占民地共計二萬二百二十九頃二十八畝數十年來勢家豪奪隱占之弊一朝始得清明數千里內小民流離困踏之苦一旦稍得甦息閭閻之下莫不歡欣鼓舞歌頌太平此實恭賴我皇上如天之仁好生之德思王業之本念小民之依維新之政莫有大於此者宗社萬年之基端在是矣而臣等何幸得以此藉手獻忠於陛下但臣等區區犬馬之忱尙有進於是者不敢不極爲陛下陳之惟陛下俯垂聽焉臣等伏聞農業者天下之本土地者民食之

桂洲奏議

卷之二

九

源古者四民各有常職而農者居十八九故衣食易足而民無所困苦故周官太宰以九職授萬民而首曰三農大司徒頒職事於邦國都鄙以登萬民而一曰稼穡自古帝王之治天下蓋莫不以土地農人爲重也三代之制不可復已自秦人廢井田之後田不在官而在民是以貧富不均穀祿不平一時識治體者罔不興慨歷代以還英君賢佐凡有志於仁民愛物者亦莫不隨時漸爲之制如限田之議均田之法口分世業之制要皆良法美意而一時人賴其慶至今猶可稱述恭惟我太祖高皇帝立國之初檢覈天下官民田土徵收稅糧具

有定額乃令山東河南地方額外荒地任民儘力開墾永不起科至我宣宗皇帝又令北直隸地方比照聖祖山東河南事例民間親開荒田不問多寡永不起科至正統六年則令北直隸開墾荒田從輕起科實於祖宗之法略有背戾至景皇帝尋亦追復洪武舊例再不許額外丈量起科至今所當遵行所以然者蓋緣北方地土平夷廣衍中間大半爲鹵瘠薄之地葭葦沮洳之場且地形率多窪下一遇數日之雨卽成淹沒不必霖潦之久輒有害稼之苦祖宗列聖蓋有見於此所以有永不起科之例有不許額外丈量之禁是以北方人民雖

桂洲奏議

卷之二

十

有水潦災傷猶得隨處耕墾以幫助糧差不致坐窳衣食夫何近年以來權倖親暱之臣不知民間疾苦不知祖宗制度妄聽姦民投獻輒自違例奏討將畿甸州縣人民奉例開墾永業指爲無糧地土一槩奪爲己有田是公私莊田踰鄉跨邑小民恒產歲朘月削至於本等原額徵糧養馬產鹽入跼之地一例混奪權勢橫行何所控訴產業旣失糧稅猶存徭役苦於併充糧草困於重出饑寒愁苦日益無聊展轉流亡靡所底止以致強梁者起而爲盜賊柔善者轉死於溝壑其巧黠者則或投充勢家莊頭家人名目資其勢以轉爲良善之害或

匿入海戶陵戶勇士校尉等籍脫免徭役以重困敦本  
之人凡所以蹙民命脉竭民膏血者百孔千瘡不能枚  
舉是豈古今帝王治世之道是豈祖宗列聖立國之法  
臣等查得各宮莊田祖宗以來未之有也惟天順八年  
以順義縣安樂里板橋村太監吉祥抄沒地一處撥爲  
宮中莊田其地原額一十頃一十三畝初吉祥占過軍  
民地二十四頃八十七畝共三十五頃立莊今次查勘  
又占過民地四十頃見在共七十五頃此則宮闈莊田  
之始而數十年間侵占之數過於原額已十倍矣舉此  
一處其他可知至成化間惟增寶坻縣王甫營莊田一

桂洲奏議

卷之二

七

處原係會州衛草場宏治間止增豐潤新城雄縣莊田  
三處至宏治十八年十月乃孝廟升遐之後先帝踐阼  
之初一月之間建立皇莊七處曰大興縣十里鋪皇莊  
曰大王莊皇莊曰深溝兒皇莊曰高密店皇莊曰石婆  
婆營皇莊曰六里屯皇莊曰土城皇莊自此之後設立  
漸多而皇莊之名始著其在昌平州則有蘇家口皇莊  
在三河縣則有白塔皇莊在真定府甯晉縣則有鋪頭  
村皇莊大劉村皇莊在隆平縣則有大灰窯皇莊在新  
河縣則有僊汪莊皇莊在南宮縣則有南莊村皇莊此  
皆正德元年之所設也又東安縣則有南葛里皇莊寶

坻縣則有李子沽皇莊通州則有神樹皇莊武清縣則有灰蝸口皇莊王慶陀皇莊靜海縣則有四當口皇莊此皆正德二年之所設也至正德四年則立大興縣三里河皇莊二處正德五年則立六里屯皇莊一處正德七年立武清縣尹兒灣大直沽皇莊二處正德八年則立昌平州樓子村皇莊靜海縣衛河兩岸皇莊青縣孫兒莊皇莊保定府安州驪馬廟皇莊清苑縣閻莊社皇莊正德九年則又立安肅縣龍花社皇莊數年之間設立皇莊如此之夥共計占地三萬七千五百九十五頃四十六畝然皇莊既立則有管理之太監有奏帶之旗

桂洲奏議

卷之二

七

校有跟隨之名下每處動至三四十人其初管莊人員出入及裝運租稅俱是自備車輛夫馬不干有司正德元年以來權姦用事朝政大壞於是符驗之請關文之給經過州縣有廩餼之供有車輛之取有夫馬之索其分外生事巧取財物又有語言不能盡者及抵所轄莊田處所則不免擅作威福肆行武斷其甚不靖者則起蓋房屋則駕搭橋梁則擅立關隘則出給票帖則私刻關防凡民間撐駕舟車收放牛馬採捕魚蝦螺蚌莞蒲之利靡不括取而隣近地土則展轉移築封堆包打界至見畝徵銀本土豪猾之民投爲莊頭撥置生事幫

助爲虐多方措尅獲利不貲輸之宮闈者曾無什之一  
二而私入囊橐者蓋不啻什八九矣是以小民脂膏吮  
剝無餘由是人民逃竄而戶口消耗里分減併而糧差  
愈難卒致輦轂之下生理寡遂閭閻之間貧苦到骨道  
路嗟怨邑里蕭條向使此弊不革將見數十年後人民  
離散土地日蹙盜賊蠡起姦雄藉口不知朝廷何以爲  
國此可爲太息流涕者也茲者幸遇皇上天縱仁智入  
繼大統曩在潛邸已知其弊卽位之初首下明詔將管  
莊人員盡數革回乃者復采大臣之議委臣等以查勘  
前項地土草萊之下始得披雲霧而覩青天脫水火而  
桂洲奏議

宮者乎祖宗以來宮闈一切供用自有成規况九重之內錦衣玉食何欲不遂顧可屈萬乘之尊下同匹夫以侵畝畝之業辱宮壺之貴難於閭閻以爭并斗之利其何以示天下訓後世也哉且自古人君未嘗有此漢宣帝嘗以池籟未御幸者假與貧民漢元帝嘗以公田及苑振業貧民未聞占民地土以爲皇莊也且皇之一字加於帝后之上爲至尊莫大之稱今姦佞之徒假之以侵奪民田則名其莊曰皇莊侵之以罔求市利則名其店曰皇店又其甚者假以阻壞鹽法則以所販之鹽名爲皇鹽卽此三言足以傳笑天下貽譏後世仰惟陛下

桂洲奏議

卷之二

古

躬堯舜之資舉文武之政何不一切掃除之乎若此三者名跡猶存實足以累陛下大有爲之政甚非臣等所望於陛下者也如蒙聖慈俯察愚忠深爲國本乞勅該部查照臣等勘報文冊將在京附郭大興縣等地方各宮莊田原不係占奪民田不滿數十頃者請一切改爲各宮親蠶厥公桑園等項名額勅令有司種植桑柘以備宮中蠶事蓋古者天子親秉耒以耕后妃親桑以供郊廟之服後世漢文帝景帝皆詔皇后親蠶以供祭服爲天下先乃者改元之春臣等恭覲陛下躬耕藉田旣以身先天下之農矣茲者嘉遇皇后殿下配德之初正

位之始所宜躬履勤儉以率天下而親蠶之禮實爲我朝百年缺典誠願陛下大建中興克配皇祖特勅禮部詳考禮經月令祭統祭義等篇斟酌古今具皇后親蠶儀以進待明年季春之月擇日舉行播告天下此誠帝王之高致后妃之盛節閨門風化之首而王業之根本也將見風聲感動德教流行男勸於耕女勸於織海內富庶之效不患不文景若矣而况舉曠代之典又足以垂萬世之美談也哉其餘一應莊田遠在各府州縣動以千百頃計者臣願陛下一切施以利民或勒歸戶部造入版籍令民照舊輸以爲在官地土不必更屬宮闈

桂洲奏議

卷之二

五

然後陛下明降諄切之旨榜示中外盡削皇莊及各宮莊田之名一洗四朝之弊永垂百代之休萬一以爲宮中常年供用不能頓缺敢乞著爲定例令戶部每歲進納上供銀兩若干分進各宮以充支用卻爲光明正大不傷大體何必虛受莊田之名重貽小民之害而示天下以自私自小也哉昔賈誼勸漢文以興起禮樂而文帝謙讓未遑千載之下賢者惜之臣等仰見陛下聰明仁聖至性天成堯舜之事蓋所優爲此事甚順而易特在陛下少留聖意轉移間耳若舍此不圖臣等以爲不惟不能免千古之惜殆恐不能不貽宗社將來無窮之



憂伏願陛下亟召輔弼大臣相與熟講而力行之臣等不勝大願至於皇親功臣欽賞莊田臣等復有一得之愚又不敢不重爲陛下言之查得洪武初年凡公侯駙馬伯祿米皆給官田令量其原定官糧私租之數依主佃分數收取至洪武二十五年令公侯伯皆給祿米論功定數舊賜田還官竊謂洪武初年乃聖祖甫定天下干戈百戰之後海內人民喪亡略盡土地有餘彼時封爲公侯伯者又皆一時翊運佐命元臣比與今之戚畹恩澤封拜者萬萬不同况以有餘之地賜有功之臣其在聖祖宜乎大拓土壤以施恩賚亦無不給胡乃給祿桂洲奏議

卷之二

去

之後而原賜田土亟令還官誠以土地乃農業所資實爲國家之大本而人君所賴以爲國者也蓋古之有田祿者各食其田之所出以爲世祿今旣官給之祿奈何又與之田是重出而過制矣此聖祖之意也然功臣之中勲勞大者則至今仍有莊田不過數家臣等查得管業已定侵占亦少惟是近年以來皇親侯伯憑藉寵暱奏討無厭而朝廷眷顧優隆賜予無節其所賜地土多是受人投獻將民間產業奪而有之如慶陽伯受姦民李政等投獻奏討慶都清苑清河二縣地五千四百餘頃如長甯伯受姦民魏忠等投獻奏討景州東光等縣

地一千九百餘頃如指揮僉事沈傳吳讓受姦民馬仲名等投獻奏討滄州靜海縣地六千五百餘頃以致被害之民構訟經年流離失所甚傷國體大失羣心今臣等仰遵勅旨旣已退給明白然非賴聖明在上地方罹害何有窮已今雖亟加扶救而傷殘已多伏望陛下特勅該部除功臣家外將累朝皇親侯伯受賜莊田據臣等勘報文冊通融數目多寡定爲中制量給養贍其過多者一切裁損以還之官要使恩澤適均將來可繼不然國家萬萬年無疆之緒皇親駙馬日見增加彼此援例爭相希恩必欲各滿其願雖盡割畿甸之田有所不

桂洲奏議

卷之二

七

給是豈可不爲國家久遠慮哉惟陛下其熟計之再照臣等查勘過各項田土數目並是退給侵牟開豁荒鹹覈實之數比與先年妄報投獻奏討原數不同乞勅該部查照一以新冊爲定移文所司出給由帖報照以便徵收再照祖宗累朝儘民開墾永不起科之例歷年滋久上下蔽於不知是以姦民敢於投獻勢家昧於奏討及訪得山東河南等處奉例開墾之地亦多近年以來亦有姦猾之徒往往投獻王府及諸勢要之家其視畿甸之弊大抵相同合無伏候勅旨將皇莊及各皇親莊田大賜處分之後一併出榜頒示該省地方仍行撫按

衙門一體差官查勘再乞通行天下今後再有姦民故違舊例將民間田產投獻王府及諸勢要之家占奪至百頃以上者處以極刑全家移出化外如此則法重而人不敢犯恩溥而民得安生臣等區區忠悃言已盡矣意已竭矣所冀陛下丕承祖宗萬年鞏固之基聿開中興千載熙明之運念京師根本之重知小民稼穡之艱厲精圖治約已裕民則太平之治可坐而致矣

桂洲奏議

卷之二

夫

查勘權姦故違舊制隱匿草場官地誣辭妄瀆乞  
懲不法疏

准兵部都察院戶部各關劄該戶部廣東清吏司於戶  
科抄出該提督鷹房司御馬監太監趙霽題爲前事該  
戶科參出該部覆題奉旨還待科道部屬官查勘明白  
來說欽此備行到臣照得臣等先奉勅諭查勘順天等  
八府皇莊及各項莊田所據前項鷹房地土已經會同  
撫按委官查勘明白除將正德年間投獻侵占之地退  
斷給主訖續據關劄前因再行委官重復查勘行據保  
定府同知高傑呈稱依奉帶領委官清苑縣縣丞樊政  
桂洲奏議

卷之二

九

安州署印訓導劉景定州署印縣丞袁潔親詣各該州  
縣拘集莊頭凌通王朋等指引太監趙霽所奏地所踏  
勘得安州地名城北扇車淀地一處先年節被水占成  
化二十二年有鷹房司勇士丁尙都奏討爲牧馬草場  
東至鯽魚港南至扇車臺西至民王四等地北至漚河  
內除水占外計地二十頃撥付與凌通并王大仁等各  
租佃種遞年每畝徵銀三分不缺正德五年間奉例清  
理至外丈量出水占退灘地二十頃九畝五分彼有委  
官太監張偉催徵子粒銀兩見得相隣至外民人王仲  
文等未故叔王大紀徵糧民地一頃一十七畝侵占至

內通計四十一頃二十六畝五分辦納子粒今除奉例  
勘明給主一頃一十七畝外實有該司官地四十頃九  
畝五分於內堪種成熟地一十三頃五十畝淩通等四  
十七戶佃種各照畝辦納粒銀水占不堪種地二十六  
頃五十九畝五分在佃戶張原等七十九戶名下新安  
縣地名三臺村迤南扇車淀地一處計八十二頃七十  
畝三分五釐東至鮑魚港西至徽府莊田南至安州地  
界北至大河宣德年間有鷹房司太監脫脫黃玉奏討  
爲草場撒放海青鷹犬後黃玉病故天順年間水退出  
堪種地十頃二畝有民人單祿祖單友等一向盜耕成  
桂洲奏議

化二十二年亦被丁尙都奏討單祿等佃種十頃二畝  
辦納子粒其餘七十二頃六十八畝三分五釐俱係水  
占荒地正德二年間被該縣姦民李義將至內大河迤  
北單祿等用力開墾民地二十六頃投獻與御馬監谷  
太監一槩混作鷹房司地土通前共地三十六頃二畝  
徵收子粒今除奉例勘明給主地二十六頃外實有該  
司官地八十二頃七十畝三分五釐於內堪種成熟前  
地十頃二畝單祿等三十六戶仍種各照畝辦納粒銀  
水占不堪種地一十六頃五十五畝在佃戶王舉等四  
十戶名下水深河溝道路無人承種地五十六頃一十

三畝三分五釐明白具結呈繳到臣臣等看得前項地  
土先後查勘相同況已經遵照勅旨退斷給主明白今  
據趙霽具奏前因事屬欺誣參照太監趙霽叨遇從龍  
之恩忝司御馬之任不能仰承德意憫念生民卻乃捏  
摭虛詞撓亂新政臣等查得前項地土原非朝廷額設  
考之舊典自洪武永樂以來如光祿寺犧牲所御馬監  
二十四馬房象房牛羊房俱有倉場牧地並未聞鷹房  
司設有牧馬草場在於各該州縣止因宣德年間太監  
脫脫黃玉奏討新安縣三臺村迤南扇車淀地以爲草  
場撒放海青後成化二十二年勇士丁尙都又將安州

桂洲奏議

卷之二

三

城北扇車淀地并新安三臺村迤南地二處通行奏討  
以爲撒放海青鷹犬草場緣二處地土乃水草沮洳之  
場因以爲名殊非官置牧納之場與夫牧放之場也今  
趙霽不知源委聽人撥置反誣勘官故違舊制隱匿草  
場又不思原額地畝多被水占卻只以近年太監張偉  
所占民地與權姦谷大用所受投獻之地一槩認爲已  
有反誣勘官朦朧以官地改作民地今臣等重復勘明  
並是覈實所據太監張偉侵占王仲文等一項一十七  
畝及谷大用所受姦民李義投獻單祿等地二十六頃  
例應給主而趙霽所奏俱已涉虛伏乞聖明將趙霽嚴

加戒飭令自今不許輕信人言妄瀆天聽仍乞追究撥  
置之人拏送法司從重處置以警其餘臣等又竊意前  
項地土初起於太監脫脫黃玉之請乃宣皇所以玩適  
乎夷情後因勇士丁尙都奏討實亦憲宗末年之弊政  
茲者幸遇聖明之日百度維新矧惟皇上臨御之初縱  
放鳥獸不畜於園囿屏斥玩好不接於耳目則前項見  
在地土旣不資之以縱放鷹犬其所出子粒又不賴之  
以供給國用若復仍留本監則他日假藉官地侵奪民  
產害人生事安保無有甚於張偉谷大用之爲者趙霏  
此舉已自可見如蒙伏望皇上明降德音將鷹房司草  
桂洲奏議

場地土盡數革去勒歸有司版籍令民耕種照依原徵  
則例輪納戶部稅糧以充國家常賦實爲公私兩利仍  
勅司禮監官查照詔旨將該監原委管莊人員盡數取  
回不容在彼存住使積年宿蠹得以悉除而一方生靈  
蒙太平之福矣宗社幸甚地方幸甚

隱情朦朧奏討已辭莊田乞恩分理明斷復業養

贍疏

准戶部雲南清吏司手本該本司送於戶科抄出中軍都督府帶俸太保建昌侯張延齡奏前事奉聖旨戶部看了來說欽此又該左軍都督府帶俸慶雲侯周瑛奏爲陳情乞恩因討莊田以辯曲直事奉聖旨該衙門知道欽此欽遵抄出送司案呈到部看得建昌侯張延齡與慶雲侯周瑛各奏前項地土已該本部題奉欽依備行撫按衙門委官查勘未報今又各奏前因詞執一端勢無兩可本部難便定擬合無候命下各奏情詞備行

桂洲奏議

卷之二

三

見差科道部屬官員會同撫按衙門從公查勘分豁明白徑自具奏定奪施行等因題奉聖旨是著見差科道部屬官會同撫按官從公查勘務見明白來說欽此欽遵等因備行前來臣等已經會同順天巡撫孟春直隸巡按郭楠會案行委通州知州劉繹薊州知州王璠親詣寶坻縣各奏地所拘提各該家人莊頭并地隣知因人等逐一查勘去後臣等親詣該縣覆勘隨據各官呈會問得劉固供年六十二歲係皇親慶雲侯周瑛下家人先於天順二年有御馬監太監陳實在於寶坻縣地名把門城李子沽開墾荒地一處立爲莊田計地一千



二百頃東至老婆亭孫剛民地南至紅心堤西至李子沽西海道北至把門城大河後辭在官宏治六年九月內蒙戶部奏准變賣有固家主已故慶雲侯周壽要得備價承買奏奉孝宗敬皇帝聖旨賞與五百頃外有七  
百頃宏治十年十月內亦賞與周壽爲業宏治九年九月內有本縣興保里寄籍故民劉慶將伊故父劉海開墾報冊徵糧地一十六頃憑伊本里在官里長王成等爲中作價銀一百一十兩賣與周壽家人周繹爲業每年該徵夏稅糧五十二石八斗四升二合馬草七十二束五分桑絲一兩周繹辦納不缺於李子沽自蓋瓦房六十五間在彼住種有已故會昌侯孫繼宗令家人張甫海自種莊田一處坐落土名老鴉口莊計地七百五十頃東至李子沽南至唐寬等民地西至金蓋兒草場北至老鴉口後承襲孫銘百戶孫賢孫鑾三分均分宏治十一年七月內孫銘孫賢將伊二分地共五百頃作價銀四百五十兩憑在官民駱福等作中亦賣與周壽爲業止剩地二百五十頃孫鑾等管業宏治十四年九月內周壽將買到孫銘等前地令周繹告赴戶部造入寶坻縣黃冊內輕則起科夏秋糧一十三石八斗六升馬草二十四束七分周繹辦納不缺後本年月日不等

桂洲奏議

卷之二

二

興保等里在官民薄永劉旦未到民馬鉞馬秀馬文舉  
王良鄆郁張世榮于連開墾地三百六十一頃五十畝  
俱憑在官民王成等作中亦賣與周壽爲業共得牛力  
銀五百九十六兩見在紅契存照以上三項共買地七  
百七十七頃宏治十七年三月內有孫鑾母周氏將伊  
前地老鴉口莊地七百五十頃除賣過五百頃外一分  
二百五十頃奏餉與伊婿建昌侯張延齡爲業差家人  
郭洪管種因與周壽原買孫銘孫賢前地相隣互相爭  
競奏蒙欽差內官監左少監朱信戶部侍郎王儼錦衣  
衛都指揮葉廣公同撫按官踏勘間彼有周壽因畏張  
桂洲奏議

卷之二

五

延齡勢要將把門城李子沾二處共地二千頃并房屋  
六十五間故辭在官隨討豐潤縣地名來安務莊田八  
百頃其把門城李子沾莊田蒙欽賞與張延齡爲業正  
德二年間有未到本縣民馬鉞要得圖利肥已不合將  
前項莊田投獻太監張永具奏改爲皇莊蒙差本官名  
下太監趙本等前來徵收子粒比有甯海里民鄭俊等  
一十三名將馬鉞投獻情由奏行本縣拘問未結遇蒙  
正德十六年四月廿二日詔書事例將皇莊革去張延  
齡周瑛各具本奏行戶部備行欽差夏給事中樊御史  
張主事按臨寶坻縣會案會同巡撫孟都御史巡按郭

御史行委通州知州劉繹薊州知州王璉親詣勘問行  
拘固與建昌侯張延齡下家人楊宣及年高知因人蔡  
傑駱福等十五人到官逐一研審面證前情明白及行  
查得該縣黃冊并誌書內周繹買到劉慶等地徵納糧  
草是的將固等取供明白呈解前來復審相同臣等參  
看得前項把門城地土先慶雲侯周壽蒙孝宗皇帝二  
次欽賞與一千二百頃是實祇緣貪得無厭又買會昌  
侯家孫銘孫賢二分之地始起建昌侯張延齡之爭張  
延齡以會昌侯門婿原受岳母周氏辭退男孫鑾地二  
百五十頃是實祇因孫鑾兄弟地土經界相連互相爭

桂洲奏議

卷之二

三

競遂與周壽盜買之訟後周壽因勘退孫銘等地五百  
頃卻將原賞并改撥地二千頃盡辭還官別討豐潤縣  
來安務地八百頃雖屬周壽自行陳乞蒙孝宗皇帝准  
與然辭十萬而受萬殆非得己之情張延齡因奏訟周  
壽及討把門城餘地承種遂蒙孝宗皇帝旨將周壽所  
辭原賞并孫銘原賣之地盡數賞給管業雖出朝廷一  
時恩數然牽牛蹊田而奪之牛終涉兼取之跡至正德  
年間太監張永奏改皇莊前地俱係在官之數今張延  
齡因奉詔例與今慶雲侯周璜各奏前情臣等除會委  
多官重復查審頗爲明白今擬合無將原賞周壽地一

千二百頃撥與張延齡管業蓋追遵孝宗皇帝後次聖  
旨實出於周壽已辭之餘例當歸還原主也其周壽原  
買劉慶孫銘孫賢并薄永等九姓地七百餘頃并自蓋  
房屋六十五間應合擬與慶雲侯周瑛管業蓋以其先  
人續置之產不當以爲在官之地概與他人也其周壽  
奏討來安務地准令照舊還官仍行豐潤縣召民佃種  
辦納戶部子粒揆之公斷亦頗適均伏乞聖明裁處命  
下之日一并造冊繳報若二家仍各執辭必欲專利臣  
等以爲前項地土俱係朝廷恩賞周壽雖有置買之地  
在內亦是朝廷祿賜之餘况二家欽賞莊田各不下數  
桂洲奏議

卷之二

七

千頃較之他姓戚里已爲過制合無將把門城并來安  
務二項莊田盡數仍舊還官該徵子粒歸納戶部則皇  
上賑業貧民之德意益廣而貴戚爭利構訟之風亦可  
以少息矣

糾劾權姦沮撓德意請追寢成命以便查勘疏

先該戶部爲傳奉事題奉聖旨是畿內根本重地祖宗朝屢有優恤禁例近年以來姦猾無藉之徒妄將軍民田土指作空閒設謀投獻管莊官校人等因而乘機侵奪藉勢混賴橫征巧取百般尅害利歸羣小怨在朝廷以致軍民失業盜賊生發朕在藩邸已知其弊覽奏深用惻然便寫勅差科道部屬官各一員前去會同巡按御史親詣查勘但自正德元年以後朦朧投獻及額外侵占的盡行查出各依擬給主召佃管莊人員盡數取回欽此欽遵隨該臣等欽奉勅諭前去順天等八府會

桂洲奏議

卷之二

五

同各該撫按衙門選委官員親詣各該地方查勘各項莊田間據順天府涿州申查得羊房莊田一處計地三十三頃三畝三分天順六年間欽賜駙馬石璟爲業伊男石寬石宏孫石誠相繼承種正德三年太監馬永成勢逼石誠辭退以薰皮廠爲名侵奪爲業外侵占慶雲侯莊田八頃王甫榮等民地共七頃八畝五分見有原差看莊內官在彼執稱奉旨住種本州擅難撥付等因該臣等會案行仰該州查審前項內官自奉明旨之後復於何年月日奉何明旨差遣仍省令遵照詔旨自行迴避續據該州申據委官陰陽學候缺典術任相呈稱

親詣小石窩莊省令迴避被管莊內臣執稱見有奏准  
旨意當令相抄騰司設監爲因成造上用并各宮等處  
物件熟造皮張合用薰皮草束無憑採取於正德三年  
九月內奉欽依擬與涿州小石窩地土一處原係已故  
駙馬石璟孫男石誠辭退地土本監遞年採取草束熟  
造皮張供應外近於嘉靖元年四月內有石璟次男石  
宏奏爲遵照陳情分豁辭退莊田墾乞天恩歸給復業  
等事奉旨戶部看了來說欽此本年四月十三日該本  
監太監馬俊等於乾清宮奏爲姦徒妄引詔書混賴供  
應地土捏辭奏擾乞恩分理等事奉聖旨戶部看了來

桂洲奏議

卷之二

完

說欽此本年五月十五日該本部官覆題奉聖旨這地  
土既有前旨撥與司設監作供應採取草束等項供用  
還照舊著司設監管業不必查勘欽此具申到臣臣等  
隨卽備行該部查問前項緣由准戶部清吏司手本開  
稱先該已故駙馬石璟男石宏奏爲陳情懇乞天恩歸  
給復業修理墳塋香火等事奉聖旨戶部看了來說欽  
此欽遵該本部議擬備行順天巡撫選委官員從公查  
勘有無被太監馬永成威逼辭退霸占卽今應否撥與  
舍人石宏管業等因題奉聖旨是著從公查審明白來  
說欽此除欽遵施行外續爲姦徒妄引詔書混賴供應

地土捏辭奏擾乞恩分理等事該司設監馬俊等題奉聖旨戶部看了來說欽此隨該戶科參出該本部看得涿州莊田已經石宏奏行巡撫衙門委官踏勘未報候命下之日仍咨順天巡撫備行原委勘官通查明白備由回報以憑上請定奪題奉聖旨這地土既有前旨撥與司設監作供應採取草束等項供用還著司設監照舊管業不必查勘欽此又該整飭薊州等處邊備兼順天巡撫孟春題稱前項地土已經委官勘明委係先年欽賞駙馬石璟供奉香火之數伊次男石宏承種被太監馬永成恃勢逼退討爲草場一向內官寇榮等給與

桂洲奏議

卷之二

三

軍民佃種照舊徵租別無他故相應撥付舍人石宏管業等因奉聖旨該衙門知道欽此又准戶部雲南司手本爲姦惡故違恩例差官丈量重強霸占坑陷貧民失業乞恩辯雪以復舊規急救安生等事本部於戶科抄出順天府涿州里民王甫榮奏稱同民人張表張祥粟名等各戶祖業徵糧地八頃餘畝俱鄰羊房莊被太監馬永成一概混占奏爲薰皮厥強占至今嚙冤包陪地內養馬夏秋二稅連年負累逃亡幸遇明詔差委兵科等衙門夏給事中等官勘明前地照舊撥付臣等管業今被內官郭添李得岑等一十八名不思經官吐出歸

民田土重復霸占坑民失所等情奏奉聖旨戶部知道  
欽此備行前來臣等看得前項地土除親詣涿州會委  
官員已經查勘明白委係先朝權姦太監馬永成平空  
勢逼駙馬石璟孫男石誠辭退地三十三頃又強占慶  
雲侯周瑛地八頃又強占民人王甫榮等地七頃是實  
卻假以薰皮厥爲名妄行奏討立爲莊田近因石宏奏  
辯又經巡撫孟春委官查勘明白相應撥與舍人石宏  
管業與臣等查勘相同其民人王甫榮等地雖經臣等  
勘明給主被內官郭添李得岑等一十八名占據不得  
復業又行具奏臣等查得涿州地方自來不曾設有薰

桂洲奏議

卷之二

三

皮厥名色止是馬永成占奪前項地土假以侵利切照  
凡係內府各項造作供應之所祖宗以來京師內外俱  
有額設厥場累朝供用未聞缺乏豈獨至於正德年間  
乃始置厥於百里之外縱使果爲供應而設朝廷豈無  
在官地土可以創置豈假馬永成占奪駙馬欽賞莊田  
與夫百姓徵糧地土以爲薰皮採草之地事理顯然不  
待深辯且臣等訪得內官郭添等一十八名大率馬永  
成名下類該明詔查革之數兼係先朝倚託權勢生事  
害政之人今遇聖恩曠蕩不復追究已出僥倖顧乃怙  
惡不悛專一信用家人鄧英陳通等撥置霸占卻又夤



緣太監馬俊妄奏前事以致奉有前旨且陛下命臣等以查勘者是憫畿甸之民被侵奪之害而無所控訴也今以馬俊一言令臣等不必查勘是又縱權倖之人奪人土田而弗之禁也前後勅旨不無背戾是豈陛下之初心哉實緣馬俊以一時從龍之臣不知祖宗累朝事體徒以內官郭添等皆係查革之人無所棲託仍欲衣食此地以爲巢穴馬俊被其巧惑遂與聞奏以誤陛下耳參詔太監馬俊猥以藩邸侍從舊臣濫竽團營兵馬重任義當秉公守法報稱殊恩卻乃輕信妄言阻遏德意况永成之在先朝爲何如人而俊乃不自愛惜踵其所爲伏望聖明俯察臣等所言將馬俊重加戒飭追寢前旨仍令臣等將馬永成原占駙馬石璟及慶雲侯周瑛民人王甫榮等地逐一照舊斷給各歸原主一併造冊繳報其內官郭添等一十八名占據前地不服退斷事屬抗違及家人鄧英等撥置生事尤爲法所難容乞勅拏送法司明正其罪如此庶使臣等仰奉陛下勅旨不爲虛文而畿甸軍民獲蒙實惠矣

桂洲奏議

卷之二

三

糾劾貪憲臣阻遏德意速賜罷黜以安地方疏  
照得先該戶部題奉欽依及近該臣等欽奉勅諭前往  
順天等八府查勘皇莊及皇親功臣莊田但係投獻及  
侵占混賴者盡數查出各依擬給主該徵租稅著管屯  
僉事兼管官員人等有玩法沮撓者許臣等參奏重治  
題知臣等近於五月間親歷河間府靜海縣地方據軍  
民人等遮道哀訴被屯田李僉事專爲勢家追併莊田  
子粒百姓受害不得聊生隨查得李僉事批准皇親家  
人沈海吳英等各狀一紙及節次行牌封鎖拘拏縣官  
家屬有不許損上益下等語又據武清縣申稱軍民王  
桂洲奏議

遜等奏被僉事李紀委差縣丞郝宗將查勘應革莊田  
子粒重徵過銀一千七百四十五兩及審據知縣曹錡  
稟稱被僉事決打臀腿膿爛病創幾死又據慶都縣申  
稱民人鄒宗仁等已經勘明給主田土被姦徒夏堂告  
蒙李僉事紙牌行縣重要追徵子粒小民逃竄不得存  
活未免激變等因又據廣平府清河縣申稱莊戶葛振  
綱等亦經勘明給退田土又蒙李僉事行牌作急照數  
追徵及不許苟悅小民等語申呈到臣切照前項莊田  
係該臣等奉勅查勘該徵稅糧子粒合待臣等勘明完  
日造冊到部行令屯田僉事查照頃畝數目常年帶管

催徵今僉事李紀卻乃不待查勘完結輒敢公行文移私准詞狀黨附權勢重虐疲民不分曾否勘明應否納稅一概逼勒追徵所在追呼禁錮騷然成擾人不堪命以致九重之上德澤未流而千里之內怨聲大作不惟有傷大體抑且重失羣心臣等參照僉事李紀本以貪鄙庸材姦克遺孽先年結附逆瑾濫厠憲臺曾因御史杜昌訐發調出外任後復巧肆夤緣陞改大州況久督屯田茂聞實政所歷州縣大著貪聲迹其濫受勢家詞狀捶楚牧民正官貪暴可知觀其不許損上益下苟悅小民之言心術具見所據姦貪實跡類非涉於風聞况

桂洲奏議

卷之二

書

今畿輔近地民力凋瘁雖極力拯救畢智撫摩尙且不能瀚滌瘡痍安痊疲瘵而紀以風憲之臣當聖明之日乃敢承望風旨阿附權豪縱其貪饕肆爲苛虐民何以堪若留斯人一日是貽畿甸一日之害屏之一方是貽朝廷一方之憂如蒙伏望皇上軫念困窮深懲貪暴特勅吏部看詳臣等所劾是實將僉事李紀亟行罷黜以爲憲臣壞法逆黨漏網之戒况今臣等查勘事宜已有次第惟順天一府及河間一二州縣未報待秋苗收穫之後踏勘可完所據提督北直隸屯田兼管子粒僉事責係匪輕仍乞慎選廉正之人以充斯任則地方幸甚

生靈幸甚

桂洲奏議卷第二

桂洲奏議

卷之二

三



蘇州府志卷第二

生靈幸甚

桂洲夏文愍公奏議第三卷

諫垣集卷之三

請差官查勘青羊山功次及處置地方疏

節該河南巡撫潘墳山西巡撫今聞住常道新任右僉都御史王應鵬及山東副使牛鸞山西僉事陳大綱都督同知魯綱俱報稱山西潞州青羊山盜賊已平昨自十月十八日以來浹旬之內各官捷音連十餘上俱各奉有明旨下之兵部但中間獲功緣由前後不一進兵期會彼此各殊然亦詞涉張皇自多戰伐事鮮據實意重希功臣等竊照青羊山之賊本皆陛下赤子生長山

桂洲奏議

卷之三

一

谷賦性冥頑所據負罪朝廷原非無故作亂祗緣都御史常道不能審辯於初而率易請兵激成負固之謀及進剿不利則沮畏太過又定招安之計以致賊首陳卿懷姦玩法逞其兇殘憑險弄兵招集黨與殊不知山中居民眾多俱隸縣官里甲其間善良愚蠢豈盡從其所爲卽有獷悍強梁始或聽其號召苟謂一方皆賊實爲淑慝不分而欲一槩加兵詎免玉石俱碎書曰殲厥渠魁脅從罔治此自古帝王用兵之大法也當時撫按官狃於意見不同偏主撫剿二說殊不知殲厥渠魁是之謂剿脅從罔治是之謂撫貴在並行豈容偏廢若事在

得人則滅此而後朝食無難也奈何向來此賊未下各該地方官員寡謀之徒莫不畏蜀如虎貪功之流以爲奇貨可居首鼠兩端莫知從適徘徊觀望坐失機宜以致流毒兩省蓄患經年幸賴我皇上仁覆羣黎明見萬里屢降勅旨深厭加兵憫其無知緩以歲月惟欲吾人悔旣不忍濫及無辜於是止諸路之請兵罷常道之巡撫仁聲流聞盜賊感泣脅從之徒日圖解散首惡之勢日益孤危是以乃者三道兵臨一鼓而下蓋久懷悛心本無鬪志兵威所加降若時雨擒縱惟意如驅犬羊此實仰賴陛下帝德好生之仁神武不殺之威所致也而

桂洲奏議

卷之三

二

魯綱乃敢誇張戰伐以斬首爲功保薦撫臣以提督自任大肆欺罔臣切惡之叅照前都御史今間往常道始則輕謀妄動輒興兵端旣而好事徼功驅民爲盜以致賊黨勾連遂難解散及至挫衄卽請招安卒之撫剿皆非恩威並失上煩九重宵旰之慮下貽三省軍民之災厲階自誰允宜罷黜但有事以來畏罪懷憂不免嬰心調度責躬拊已亦復竭力馳驅據其展轉奏陳類非有心僨事都督魯綱本椎魯武人飛揚暴將久奉朝命遷延在途方且廣務徵兵虛張賊勢意在大肆殺戮以邀首功八月初七日綱駐劄潞州不能宣揚朝廷德意乃

大張官軍虛聲以致賊眾驚疑決裂肆出乃於壺關黎城潞城三縣地方日肆剽掠殺傷男婦燔燒屋廬此時賊在平地正宜騎兵野戰綱乃頓師安坐竟不能追擒一賊賊知其無爲卻復入山盤據今次進兵之期在初六日副使翟瓚等領兵入山已從魯班壑穿底穿腦尖綻口至洪梯至陡崖所過賊巢俱已蕩平十之五六而陳卿父子俱已奔竄谷堆底門樓安陽等處賊巢俱已丟棄燒毀收降擒斬功已過半而魯綱乃於初八日午時方領人馬來會於智度寺初九日走據嵩腦賊從山西路口青羊石返頭等處遁走至十一日賊首陳卿爲

桂洲奏議

卷之三

三

僉事陳大綱所擒十二日陳琦爲副使牛鸞所獲數日之間不聞綱軍有所調度部下士卒未嘗與賊交鋒今乃自詭領兵對敵妄稱連日鏖戰斬獲首級二十四顆意是老弱潰散竄伏谿壑之間以求旦夕之命者京軍搜捕妄殺報功事同殺降法宜抵死以上二臣皆有罪可論黜罰之典所宜並加者也及照各官報捷臣等備將奏內事情逐一磨勘及拘差來人役當面研審所據近日進兵機宜平盜方略盡出都御史潘垣經畫至於刻期入山則副使等官翟瓚等奪險先登搗其腹背摧陷之功居多牛鸞楊朝鳳等遇敵嬰鋒扼其咽喉收降

之人頗眾陳大綱張羅伏機塞其歸路遂使首惡奔竄  
俛首就擒以上各官俱有功可錄旌賞之典所宜先行  
者也至若諸路各項官兵深入賊巢戮力用命乘危歷  
險百死一生合無不必拘以擒斬之例而以不妄殺人  
爲功俱當從厚勞賞以勵人心但查勘前項功罪事干  
三省又兼京邊官軍若照常屬之巡按未免彼此隔別  
虛冒難稽紀驗異同事體不一臣愚欲乞勅旨遣差風  
力給事中一員前去各該地方會同撫按從公覈實明  
白具奏施行及照自古盜賊稱亂常恃地險以爲巢穴  
譬之山居豺虎澤萃蛇龍理之常也惟是官府得人制

桂洲奏議

卷之三

四

御有道小有萌動卽禁捕之不使蔓延庶免大患今青  
羊山賊首惡兇黨旣已成擒必須械送京師獻俘闕下  
明正典刑以昭國家大灋但招收脅從男婦約計不下  
二千餘人勢難羈縻速宜區處爲今之計欲遷置平地  
則慮無養贍之資而官給之糧殊非久長之策欲處之  
故地則仍有險阻可恃而根株不拔難免將來之虞臣  
愚欲望特降綸音令差去給事中會同新任巡撫王應  
鵬親歷茲山遍覽形勢凡舊日盜賊盤結巖谷嶄截去  
處可以刊木通道削險爲夷卽便選委強幹官員起集  
丁夫赭山斬木務使道路縱橫人馬可以通往則將收



降之人仍令依山便業居住編爲甲伍照舊納糧當差庶幾易於安定斯爲得策若果山險難闢前項脅從黨與不可復令入山恐貽他日之患則當審量地方廣狹踏勘田畝多寡相擇高平原阜建置官府以爲防禦大則設一千戶所小則立二三巡檢司控扼要害長年戍守以爲百年無事之計若可設千戶所則將山間徵糧田地計畝從寬起科給與該所官軍依山屯種卻將附近衛所屯田抵兌酌量數目略如井田之制分授收降人戶每人田若干隨處安插耕種俾爲永遠世業官司仍量行賑貸以爲廬舍牛種之資若立巡檢司則將附

桂洲奏議

卷之三

五

近州縣民間拋業地土分給耕種不許徵糧起科若一處不給則散置各縣地方造冊編管仍以山間田地召募有力無田之人僉充該司弓兵兩項區處似有可行然因時制宜可否裁度又在勅使撫臣從長摩畫必能仰體聖心爲國善計以俟他日上請定奪非臣之愚所能懸斷也又照各該州縣近山居民連年以來被賊殘害重遭軍旅所經室廬焚蕩田業荒蕪流離失所誠可哀矜欲乞陛下俯垂軫念勅令撫臣亟發倉廩及時賑濟仍行州縣暫免差徭著意存恤則人心感悅地方可保無虞而皇上父母九有之心庶幾少慰矣臣等寡陋

之見不能仰窺廟謨然芹曝之誠發自忠耿如蒙乞勅  
該部再加詳議所貴賞罰允當可服人心計慮深長可  
弭後患不當循用常調使功罪罔明苟圖便安使貽禍  
異日則地方幸甚生靈幸甚

嘉靖七年閏十月 日題奉聖旨你每說的是這  
起山賊本因官司所激今常道魯綱卻乃冒功飾過  
就着夏言前去查勘明白分別功罪奏請定奪不許  
避難寫勅與他該部知道欽此

桂洲奏議

卷之三

六

乞發銀賑濟請給關防書吏疏

昨該臣等具題前事奉聖旨你每說的是這起山賊本因官司所激今常道魯綱卻乃冒功飾過就着夏言前去查勘明白分別功罪奏請定奪不許避難寫勅與他該部知道欽此欽遵臣言伏聞成命無任驚惕顧惟疎愚謬有論列方懼不達事體猥瀆聖明詎意不棄芻蕘過蒙采納兼復令臣前去查勘臣感激睿知所當効死况職思報稱豈敢避難臣專候勅旨願下遂當卽日啓行但照前項功罪事干多官地連諸省自賊平以來今已浹月豈能久頓師徒坐糜供億竊計各該官員必且

桂洲奏議

卷之三

七

散歸本省臣今奉命以往祇當直趨潞州必須各處撫按及各項應該聽候查勘人員作急先赴山西潞州旁近州縣各令駐劄先將功次逐一查造手冊候臣到日會集以次呈報以憑勘問覈實庶不遲延時日稽留賞罰其都督魯綱係鎮守總兵官若已回到河間恐不得輒離信地則止將部下領兵官員發來查審乞勅兵部馬上差人分投前去山西河南山東北直隸等處先行知會但臣原奏內欲要亟行賑濟一節未奉明旨伏乞先降德音行令巡撫都御史王應鵬潘垣預先議處在官相應動支錢糧一面差官解送潞州及近山州縣收

貯候臣到日會同坐委賢能官員給發賑濟被賊殘害  
貧民并招降脅虜人口使知朝廷特遣近臣遂獲普霑  
恩渥及照臣奉命查勘軍功事體重大文移四出動關  
機宜况有題奏上陳尤當嚴於防範乞勅禮部降給關  
防一顆吏部選撥書吏二名跟隨用使庶幾便於行事  
臣干冒威顏無任隕越之至

嘉靖七年閏十月

日題奉聖旨都准他禮部便

給與關防一顆各該衙門知道賑濟一節戶部便看  
了來說欽此

桂洲奏議

卷之三

八

入青羊山撫諭相度開設大略疏

節該臣具題前事伏蒙特旨命臣查勘前月初三日陞  
辭欽奉勅兵科都給事中夏言節該巡撫等官潘墳等  
奏稱山西潞城縣青羊山賊情已寧各來奏捷續該爾  
奏稱都御史常道始則輕謀妄動輒興兵端旣而好事  
微功驅民爲盜都督魯綱久奉朝命遷延在途未嘗與  
賊交鋒妄稱對敵斬獲等情皆有罪可論所宜黜罰及  
稱近日進兵機宜平盜方略盡出潘墳經畫并程瓚牛  
鸞楊朝鳳陳大綱等皆有功可錄所宜旌賞及要處置  
青羊山後來事情乞遣差風力給事中前去勘處朕惟

桂洲奏議

卷之三

九

賞功罰罪必合公論思患預防必須慎處朕以爾之奏  
况爾風力可稱特就勅爾前去彼處地方會同各該巡  
撫巡按查勘青羊山前項叛賊起自何年是何官員失  
於撫捕何官激迫爲亂近日斬獲招降果係何人計處  
方略各該主客官軍孰爲有功孰爲有罪分別輕重等  
第照例造冊奏繳以憑陞賞黜罰如常道果有逼民爲  
亂妄動生事魯綱果有遷延不進妄殺報功等項情罪  
務要從實叅究不許推避容隱就親歷青羊山地方會  
同巡撫督同三司等官勘議應否設置衙門開修道路  
收降之人應否編甲安插山間田地應否起科開屯原

奏內一切事情俱要區畫停當期於經久可行被賊殘害地方賑濟存恤等項亦就會同從宜區處應奏請者具奏定奪應該拘取聽審人員若地方寫遠聽爾於附近適中去處約會審查爾受茲委任必須盡心竭力熟思審處務使功罪得實賞罰有據處置得宜保無後艱斯爾之能爾勿畏憚當求至公稱朕委命如或苟且塞責罪亦難追爾其慎之慎之故勅欽此欽遵臣仰荷委寄之重卽日就道十一日至眞定府爲風雪凍阻暫駐二日發行兩省文移先是臣具題欲徑詣潞州令各該撫按官來會及伏讀聖諭許臣於附近適中地方會官

桂洲奏議

卷之三

十

查審仰見淵衷計慮周悉蓋河南相去潞州限以崇山大河越境從事實爲未便臣乃於二十二日抵彰德府駐劄凡河南各項領兵人員親自審覈事畢卽日放回仍會同巡撫潘塤巡按譚纘委官覈勘又會審過見監收降生擒賊屬二百五十餘名口除眞正賊黨取供監候其餘脅虜老幼婦女盡行釋放押送本土安插時值隆寒日報死亡復處給衣糧少能全活一面差官查審修武林涉等縣先前被賊殘害地方及近日安插收降人口分投賑恤首尾半月事頗就緒先該臣差人齎文山西約會巡撫王應鵬帶領三司等官俱來青羊山先行

踏勘應否設置衙門開修道路遵照欽諭內事理亟圖善後之計約會巡按穆相前來潞州會勘平賊功罪外臣於本月初六日從彰德府取林縣路入山初九日抵花園口卽前日河間進兵之路實係山西地方至則三司及守巡官俱到始知都御史王應鵬丁憂是實御史穆相以交代不至臣遂同叅政邵錫僉事賈啟都指揮王朴及分守叅政李際可屯田僉事楊朝鳳原領兵都指揮霍錦次日一同進山初十日至王陡崖十一日至谷堆底卽首惡陳卿所居十二日至青羊村卽前日賊徒奔潰之處十三日出山至潞城縣十四日至潞州凡

桂洲奏議

卷之三

十一

經四宿山中周覽五日其山川阨塞道路險夷村墟井落攀緣上下一一皆經心注目惟青羊一村人民頗眾山水環合風氣翕聚土地沃衍所宜開設縣治堪以居養人民臣嘗讀堪輿家書亦略領其意義隨以羅經立定方向凡縣治學宮文廟城隍及各項大小公廨街渠門巷城垣道路俱各督同知州周昊畫定規模建以標準三司等官對面商確僉以爲善及詢叅政李際可則知都御史王應鵬御史穆相於賊平之後臣未至之先亦已到山相度與臣所擬相同其在河南地方應立城堡者三處在山中應立巡司者三處道路險絕宜開修

者十餘處及思患預防事體重大者尙有別項建議俱  
容臣逐一計畫停當隨卽具奏但照山西及各路領兵  
官員招降擒獲脅虜各項人口卽今俱不在官已經都  
御史王應鵬委官盡行放入山中安插已畢臣昨經山  
中之日凡係平日脅虜良民及近日河南經臣放回者  
老稚男婦俱各焚香跪謁自幸生命宛轉哀號訴其冤  
苦其少壯有力者俱爭相與臣負輿裹衣亦皆哽咽感  
激但其間真正賊黨前日拒命之人仍舊潛匿不肯出  
見心懷疑懼反側不安地方人心亦甚洶洶一則以爲  
吞舟漏網憤懣不平一則以爲蓄癰養虎慮有後患臣

桂洲奏議

卷之三

三

密加偵訪殊切憂虞且今日山中之人凡有四等有係  
平民不曾爲盜近爲官兵招入投降之數者有本係良  
民被賊汙脅而近日收擒者有實爲賊黨而潛匿山谷  
不曾爲官兵所獲者有爲官兵擒獲而復放回安插者  
大率約計男婦不下數千餘人而壯丁尙以千計卽今  
室廬器用盡已燒燬困窘米粟盡已掘發牛羊頭畜盡  
已奪去貲產蕩析生理窮蹙踰伏空山寄命無所爲惡  
者兇頑之性未革被害者忿怨之氣方新哀今之人豈  
可使之一朝無食而坐以待斃哉又可窮治逋誅而決  
其無聊之計哉况今兩河之民流亡載道一山之隔呼



號相聞將來之虞惡可不慮臣昨抵潞州卽日庭集官僚宣示朝廷向來德意止嚴首惡之誅而脅從者皆在所宥天恩浩蕩又發帑銀通行賑卹無所係吝博施同仁加惠元元之意今日之計賑卹爲先臣於是委叅政李際可僉事楊朝鳳帶領同知倪景判官曾復知縣王密王欽李朝綱主簿谷景暘重復入山沿村遍落查審各項居民逐戶大小男婦備細籍記給以丁口小票親執赴州領賑被賊殺人劫財之家經兵騷擾貧民及收降脅虜人口各立條格銀數有差出給曉諭賊黨撫安良民告示入山散給各村張挂賑濟之後另給欽宥良

桂洲奏議

卷之三

三

民關防票帖人執一張以杜後禍連日次第舉行人心翕然始定在山居民聞臣欲奏設縣治亦復歡欣鼓舞自幸賊巢之名可以湔洗則其善端之在人心未嘗泯沒然此事終始皆賴我皇上一念之仁上同堯舜而臣以愚昧誤蒙驅使何幸藉手得以少效心力不然則今此之民化爲白骨久矣尙忍言哉及照查勘功罪一節除都督魯綱發來指揮鮑鼎等陳僉事所領三關官軍指揮曾宣等牛副使所領千戶劉岱等俱經面審發回外查得各官功次文冊俱各漫無月日地方可考而收降人數間有全無花名混開男婦若干名口者已經會

委叅政邵錫等從實覈查但欽奉勅諭處置地方事宜令臣會同巡撫分別功罪令臣會同撫按官今王應鵬以丁憂去穆相以交代去而新任巡撫新差巡按俱未可旦夕而至然臣於撫按衙門先已會同有行况臣係奉命人員事有專責今逐項事情臣俱已會同三司多官悉心區處計在正月可以竣事一併造冊具奏定奪所據臣撰述欽宥由帖及出給過告示冒昧上塵伏希睿覽臣無任戰慄隕越之至

計開

欽宥帖文一紙爲撫安良民事審得爾等俱係良

桂洲奏議

卷之三

七

民被陳卿等恃險集眾拒殺官軍犯罪深重朝廷遣將用兵始克剿平今首惡旣擒收降脅從俱遵照屢奉欽依悉行赦宥爾等自今以後各務農業各安生理教訓子孫遵守禮義再不得犯法爲非外方流民再不許窩藏容隱其舊日黨卿爲惡者今旣收降俱與湔洗不復追究除已行賑卹外仍行官司暫免差徭爾等各宜感戴天恩革心向化永爲太平之民不許仍以賊情互相攀摭告訐爲此給與良民由帖執照以絕後禍如無此帖卽係不肯歸化之人自罹法

網其毋後悔須知帖諭者

告示一道爲曉諭賊黨撫安良民事竊照青羊村一帶地方山谷深險民性兇愚兼以官府隔遠教令不及百年以來號爲盜區訪得中間不逞之徒糾集羣夥時出四外行劫隨復入山潛匿又有外方賊徒亡命遁來山中聚爲淵藪祗因一向有司不得其人失於撫捕甚或交通隱蔽以致醞釀爲患漸染成風但山界兩省地連三縣縱橫延袤不下百里村井連落居民實繁豈必家家是盜人人是賊止是陳卿一家但爲主

桂洲奏議

卷之三

五

首所聚兇黨不滿百輩官司留心撫處設法緝捕何所不擒近因撫臣輕率用兵寡謀失策自損威重以致賊勢坐大日肆猖狂朝廷不欲加兵深恐害及良善而賊卿頑獷不服迫脅居民依險拒敵竟煩大兵併力進剿今首惡雖盡俘獲餘黨尙有逋逃非賴皇上節有撫剿之旨則前日縱兵肆殺爾等種類無遺今旣苟全性命俱當改過自新賊平之後皇上又念近山居民被賊殘害經兵騷擾收降脅虜人口家產旣破衣食無依特發官銀通加賑卹當職祇奉上命

而來專爲布宣朝廷德意撫安地方除已委官分投入山查審各項丁口以憑賑給爲此先行曉諭爾等凡前日爲惡賊黨旣已收降卽同脅從俱從寬釋通不追究脅虜人口旣已復業各安生理遵守官府約束被賊殘害貧民亦宜含忍痛苦不得修復舊怨構啟釁端除賑給外仍與奏請開設縣治建立學校治以法令訓以詩書仍暫免差役三年待委官造冊到日別有告示散給銀兩應賑之人但依限定日期赴州親領就行給與良民票帖執照以杜後禍今後

桂洲奏議

卷之三

七

山中之人再不得出外爲非四外賊徒並不許容留居住州縣姦豪之徒平日與賊交通託爲腹心耳目者自今痛宜謝絕各保身家爾等當上感朝廷曠蕩之恩下爲子孫長久之計爲盛世之民享太平之福豈不幸哉嗚呼化虎狼爲善類變鴟梟爲好音此聖天子一視同仁之心哀矜勿喜之意也咨爾官民共宜知悉

嘉靖七年十二月二十四日題八年正月十八日奉  
聖旨該部知道欽此

改建潞州府治及添設兵備憲臣疏

節該臣先題奏事欽奉勅爾受茲委任必須盡心竭力  
熟思審處務使功罪得實賞罰有據處置得宜保無後  
艱斯爾之能欽此臣本非才蒙荷重託夙夜祇懼思以  
仰副聖心凡所以爲地方善後之計者無不博訪羣情  
殫竭愚慮除開設縣治事宜題外卷查先因潞州儒  
學生員孫濡江相等并致仕官李玆等宣化等坊都里  
老郭琦等連名具呈欲要改州爲府該臣批行山西布  
政司等衙門守巡冀寧等道看得潞州地勢雄勝城郭  
宏壯民物殷庶居然河東巨鎮考之前代雖因革靡常  
桂洲奏議

卷之三

七

然皆爲軍州爲府路古稱黎國潞子皆其地也今屬以  
一州似乎建置弗稱統御爲難近年兵興盜起有由然  
矣方欲有所咨詢適學校諸生林下鄉宦及里老人等  
連名具呈議論略同並關政體具可采錄又况澤潞古  
今要害太行之險雄跨中原中間長林大谷蛇虎所都  
加以宗藩設邸軍衛列屯兵備憲臣似亦不可少者合  
行該道會同都司多官僉議可否務合人情有裨治體  
以憑聞奏施行去後今據左右叅政等官邵錫李際可  
等會呈前事行據汾州等州知州郭鏗等會同太原府  
通判宋邦熙潞州等州知州周昊等高平等縣知縣管

律等勘得潞州地方廣闊城郭宏壯民俗疆悍人多好訟山川險阻盜賊藏伏兼以宗室繁衍每生事端軍衛雜處甚難治馭知州品位頗卑同知等官出身不由科目識見亦爲有限是以連年多事居民稱擾士庶官民俱連名具呈欲改州爲府揆之事體委的相應又看得澤潞等州去省頗遠府官職司綜理民情難兼整飭戎務守巡官分理他處按治不常遇有警急輒難卒至近日青羊山之盜兵連四省財費萬計蓋有其由合應添設兵備憲臣一員在此駐劄修治武備兼管分巡庶國威振而人心自懾盜賊弭而境土永安等因職等會議

桂洲奏議

卷之三

六

得今之潞州古之上黨仰惟國朝初設州治民純事簡政令易行奈何近年以來宗藩强大生齒浩繁風俗頑悍獄訟蝟興及今若不因時改置誠恐豪強之勢日盛刁頑之習日深甚非更化以宜民也且澤潞等州皆宗室封藩之地恪守祖訓而深居不出者固有好事事端而輟轍有司者甚多加以軍衛雜處頡頏難制小則媒孽州官之短大則挫抑州官之威政令不行率多坐此若知府勢位尊嚴人心畏憚較之州官不侔遠甚宜卽改州爲府斯爲執要御煩况生員人等所呈與知州等官所議眾口同詞合無依其所擬將潞州改置爲府俾

澤遼沁汾四州長子等一十七縣皆在所屬與太原平陽大同三府並列而爲四庶體統一而政令行官位尊而強悍服而又增縣治以分理民事添學校以疏通人才如此則風俗丕變教化大行釁端不生而盜賊亦不起矣又議得青羊山賊負恃險固招集強梁爲患不止一年動兵連及三省揆厥所由蓋以守巡官更代靡常撫捕無策以致釀成今日之禍尙可晏然而莫之處乎合無從長議處添設兵備憲臣推選素有風力才識威足以懾人智足以應變者一員常用在此駐劄整飭武備兼管分巡仍將澤潞等五州并屬縣邊操民壯奏請

桂洲奏議

卷之三

九

擊回本道聽其分班團操練習如此則風紀大振良善免魚獵之虞軍威丕揚姦惡消狗鼠之念事體兩得民可久安等因到臣叅看得各官議勘與臣所見相同竊惟自古帝王爲治建邦立都以宅中圖大又必隨地之形因民之俗眾建郡國以分理之使小大有所相維遠近得以附屬於是乎又察山川之形便地里之要會建爲州牧方伯以提挈綱領爲國楨榦夫然後紀綱有統條目自張上德下情有所宣究文事武備足以威附而國家賴以長治久安唐虞三代之制固已然矣漢唐宋之世鮮不因之至於祖宗之有天下建邦啓土張官置

吏治內治外尤爲明備可謂度越前代矣然一統之大廣輪之博中間有經理未及建置未稱者則又在乎聖子神孫繼明紹休有以振起而恢拓之此潞州之事所以有待於陛下也伏惟聖明特垂意焉今將建置緣由區畫事宜逐一開坐具本謹題請旨

計開

一潞州在禹貢冀州之域堯都平陽爲甸服春秋時爲黎國爲潞子國秦罷侯始置上黨郡漢晉魏因之在宋元爲隆德府至我朝洪武元年以上黨縣省入是爲潞州領長子屯留襄垣潞城

桂洲奏議

卷之三

三

黎城壺關六縣而直隸布政司然其地極高與天爲黨因名上黨山川峻險地里遼曠盤踞太行之上爲天下之脊當河朔之喉東帶鴈門寧武偏頭等關屹然爲京師屏蔽蓋古今要害中原必爭之地也昔人謂其地險固其民堅忍其俗節儉其兵勁悍王者不得不王霸者不得不霸猾賊得之足以致天下不安其地勢風俗使然也唐元宗爲別駕於此李抱眞爲節度於此其爲雄藩巨鎮從來已久宋太祖之得天下也以先取澤潞及其末也以先失河東則此地之



關係安危非細故矣臣初抵潞觀其城郭宏大  
民物殷庶街衢廣衍西北諸郡鮮有其比况以  
盤石之宗日益繁盛自藩簡王位下今分封爲  
陵川等王府者十有六爲鎮國府者六十有三  
爲輔國者七十爲奉國者二十有二有潞州衛  
有藩陽護衛兵民雜居錢糧甲兵獄訟各項事  
體重大今屬以一知州官秩既卑權力有限縱  
使才能亦難展布誠不足以禁制姦豪抗抑權  
勢佐貳之職類皆雜流末品殊不足以分理政  
務宣布德澤兼之僻在一隅上司大吏按部有

桂洲奏議

卷之三

三

時力小任重付託弗堪是以教化不行法令不  
振比歲青羊山蛇鼠之盜遂不能制頗費支吾  
萬一更有意外則官府束手宗室震驚恐不免  
重貽朝廷大憂爲今之計改府立縣誠有不可  
緩者况稽之眾論允合詢之人情大順諸王聞  
之亦復欣然同願蓋將來利害不待智者而知  
但無人爲陛下言者倘蒙采納乞勅該部再加  
詳議亟賜施行則地方可保安寧而足以翊衛  
我國家億萬年丕丕之基矣詩曰貽厥孫謀以  
燕翼子伏惟聖明遠覽而深念之宗社幸甚

一潞州城周迴一十九里廣三丈高三丈五尺代更歲久無人以時修葺輒土剝落間有闕陷中穿之處遂成徑竇人畜可通往來晨夜無所防禁本衛雖有指揮一十六員鎮撫千百戶共七十員率多鬪茸非才太半緣事原伍旗軍五千七百九十四名而逃亡事故者三千三百餘名三關輪班操備二千三百五十五名而不赴者常半騎操馬一千二百九十八匹見在者八匹而已武備廢弛未有甚於此者夫以軍城重地百萬生靈鱗集蟻附宗藩邸第綦布星羅府庫

桂洲奏議

卷之三

三

錢糧積鉅萬計而城池弗固武備不設蕩然無守譬之巨富之家金帛盈積乃獨居曠野無垣墉扃鑰之固無子弟奴僕之強無挺刃器械之防而主人又復孱弱不振如此而不爲盜賊所窺者未之有也昨當山賊猖獗之時城中宗室大家俱欲鑿壕自防倉皇無計念之可謂寒心今山賊雖平人心未定近日諸領兵官召募鄉夫鄉導人役凡爲官府出力以捕賊者往往與山賊構爲讐恨釁連禍結紛紜纏糾莫可究詰加以開設新縣修闢道路工役重大有司無所

稟呈必須添設兵備副使一員常用駐劄本州  
專一提督開創各項衙門整飭戎務修理城池  
安撫良善鎮壓姦宄俟三年之後事體寧一方  
令帶管該道分巡如此則委任專而事功易集  
權力重而地方可保無虞矣伏惟聖明留神特  
賜裁納臣愚不勝惓惓

一府治之改衙門廨宇一無所更其正堂棟宇高  
大軒豁皆前代創構凡百規制不煩增拓惟欲  
添蓋經歷照磨兩廳及各官私宅四所左右隙  
地綽有餘基其縣治及兵備府則有上黨縣舊

桂洲奏議

卷之三

三

址三十餘畝又有潤德麗澤等里空地三百餘  
畝皆在城內可以相度創建既無妨礙民居亦  
不須用價置買所據各項土木工程大約費銀  
可五千兩而足查得本州見收商稅銀實有五  
千餘兩在庫合無准令動支買辦物料僱募夫  
匠儘勾經營不須科索民間一錢不致起倩民  
間一役况礮石伐木燒造甄瓦事事近便不數  
月而諸務集矣但附郭縣學待人才旣盛又議  
開設今宜如順天府例該府驛遞因不係衝要  
似爲虛冗宜如徽州府例俱不須設其所屬則

當以遼沁汾澤四州并屬縣及該州原轄長子等六縣并新議附郭開設二縣凡二十三處俱入隸則可居大原平陽之次比之大同則已過之又屹然關南一大郡也恐議者已爲諸役並興不免勞費故臣敢不避煩瀆輒獻其區畫之詳如此伏惟聖明裁斷

一兵備之設專主防禦然無可握之兵猶不設也查得山西邊操民壯原非祖宗舊制始於正統年間編僉太原府額編六千四百一十二名平陽府額編八千八百三十三名澤潞遼沁五

桂洲奏議

卷之三

五

州額編五千九百一十一名通共二萬一千一百五十六名分爲三班輪赴偏頭鴈門寧武三關操備及修築隘口原因己己之變邊關有警建議編僉無警放回至正德年間提督憲臣議令分番操備遂成長年戍守無復休息今山西通省民力困於此役數年以來幾不堪命矣臣聞各州縣應民壯者輪及該班或鬻田產子女或貨家具耕牛以給路費一次往返動經半載一夫耗費奚啻十金則二萬之眾常年所費不下數十萬計重出於田糧科差之外又無月糧

布花之給其苦數倍有甚於軍況到邊關亦不能折衝禦侮徒滋包辦役占之弊其貧無力者則勒令修塚拔草備極苦楚班滿之日空有皮骨而已前項民壯之役誠無益於邊備徒有損於邦本臣愚以爲潞州改設兵備合無將澤潞遼沁汾五州并所屬州縣民壯盡數掣回蓋三班輪流其常用駐邊實數止是一千七百名在邊關有無不爲加損而取聽兵備官調集潞州操守則修補城池防禦盜賊建設衙門皆得實用而民亦歡然樂從如蒙乞勅兵部查議特賜

桂洲奏議

卷之三

三

允可實爲便益并通將該省民壯盡免邊操而止令於本處官司管領操練以爲內地防禦俟邊關有警聽調則山西之民困庶幾少蘇仍乞併勅該部查究源委斟酌利害輕重定議可否以俟聖明裁斷臣不勝幸甚

嘉靖八年正月廿八日題二月十二日奉聖旨該部看了來說欽此

開設青羊山縣治疏

臣節該欽奉勅就親歷青羊山地方會同巡撫督同三司等官勘議應否設置衙門開修道路收降之人應否編甲安插山間田地應否起科開屯原奏內一切事情俱要區畫停當期於經久可行欽此欽遵續該河南巡撫潘墳題爲處賊巢以杜後患事奉旨該部知道通行到臣仰被明命伏稟聖訓夙夜究心躬親從事先是臣會同山西巡撫王應鵬河南巡撫潘墳選委三司都指揮等官王朴等到來臣自林縣入山率同多官遍歷青羊山地方躋攀危險陟降原隰逐一相度惟青羊村相

桂洲奏議

卷之三

三

應建設縣治與都御史王應鵬所見相同臣復與三司等官對面商確眾議允諧臣猶恐一人聰明有限況事關重大久遠必須博謀慎處復案行兩省叅政等官邵錫等再加從長議勘去後今據叅政李際可僉事賈啟等呈稱行據潞州等州知州周昊等高平等縣知縣管律等勘報會呈到臣叅看得青羊山一帶地方東西相距一百餘里南北相距一百四十餘里山連萬壘水分兩河村落頗多生聚甚眾遠者離縣一百餘里近者離縣八九十里官府法令難及上下情意不通中間強獷之民往往出山潛行劫掠四外流來之賊往往入山託爲

窠巢是以涇渭同流薰蕕一器積成逋逃之藪號爲盜賊之區昨年賊首陳卿乃敢憑負險阻拘留命使糾集徒黨敵殺官軍事雖起於激成罪有同於謀叛茲者仰賴陛下堯仁徧覆湯武用張兇渠旣已殄滅脅誘盡獲生全殘害者蒙被賑賚之恩首降者執領欽宥之帖羣情感激地方稍寧但及今暇日不爲善後之圖恐將來餘蔓未免復萌之患所據建設縣治學校巡司關隘軍堡等項貴在旦夕舉行勢不容緩伏乞聖明留心采聽下之該部會議早賜施行則地方生靈幸甚幸甚今將處置區畫各項緣由逐一開坐具本請旨

桂洲奏議

卷之三

三

計開

一應設縣治一處臣看得青羊村東抵林縣界八十五里南抵壺關縣界六十里西抵潞州界四十里東南抵花園村并林縣界一百三十里西北抵潞城縣界四十里東西相距一百里南北延袤一百餘里居民一百餘村曰山南莊張井葛家峪臘江水柏木都臭水交梯頭拐裏梯後江底海會寺槐樹坪白蘭岩蘆芽亦水棒家窖饅頭纏此其東路村也曰石坂頭屹臺池底東峪溝串底寨裏陸泉溝申家坪王莊車箱此其

南路村也曰崇岩鑰匙水東郊裏樂莊谷堆底  
塌峪裏智度寺軍寨門樓安陽虎窠鞍子嘴西  
灣西窠黑虎裏羊圍子此其中路村也曰大坂  
頭羊井白黃馮善黃沱長井石橋壺神頭此其  
西路村也曰上五井中五井留村李莊上黃下  
黃南留西留神頭嶺此其北路村也諸村皆僻  
在萬山之中深林窮谷道路崎仄山石犖确人  
跡罕至惟是青羊村風氣開豁山溪縈帶蓋大  
山之腳隨水東出去而復回順勢成逆結成堂  
局水從右而左纏元武者二十餘里案山列如

桂洲奏議

卷之三

三

屏障兼主山秀特蜿蜒頓伏藏風聚氣可以扞  
立縣治生養民物東達林縣西直潞州南可以  
控制谷堆底虎窠西灣之要害北可以逼黎城  
壺關之通衢得形勢之便利據險害之腹心四  
達之道里適均經商之往來稱便查得壺關縣  
原額編民九十七里其新興三里四里安化二  
里安善一里二里三里遷善一里二里代寧一  
里二里共十里俱在青羊村之南潞城縣原額  
編民九十七里其青羊里王莊里張井里上五  
里葭蘆里新安里東谷里東五馬里廣裏里東



禪南里東禪北里東禪東里三池南里三池北里侯壁里留村里共十六里俱在青羊村之東北黎城縣原額編民四十五里其豆口里石城里單東里王曲里石灰里共五里俱在青羊村之東三縣共三十一里俱各相應分割填補以立新縣其學校縣址及大小衙門壇廟城郭街道俱各有相應建置地步若於此立縣將來民物必須繁盛而人才亦或挺生意者山川靈氣將發洩於聖朝而必假兵寇以啓之也臣先日建議欲設千戶所殊不足以約束且或別生弊

桂洲奏議

卷之三

三

端况無可撥之軍亦無可屯之地惟是立縣則有官府舉法度以制姦豪有師儒興禮義以化聾瞽庶幾後患可弭而久安可圖矣伏惟陛下特賜裁斷

一應設巡檢司三處臣看得青羊村東南約行五里地名崇岩林木蒼蔚崖壁巉巖棧道石磴蛇盤斗打行六十里至智度寺寺西旁隔一小山爲谷堆底卽陳卿所居寺址負山瞰河谷窳境僻南接羊圍子鎮橫帶西灣虎窠盜賊多居於此東行四十里至王陡崖接桃源花園口山中

諸路交會於此北去三十里地名柏木都又十里至洪梯連接槐樹坪白蘭岩去縣益遠而兩省人民雜居於此臣欲卽至度寺改爲蟠溪峯立一巡檢司以據賊巢之心腹卽王陡崖改爲玉斗崖立一巡檢司以防山賊之外出卽柏木都改爲白雲谷立一巡檢司以防流賊之內入合無照例銓官撥吏每司就於新立該縣僉點弓兵各一百名令其常用盤詰往來巡視仍嚴加禁約今後山民敢有不改前非仍爲盜賊就便率領司兵號召山間良民併力擒拏撲滅各

桂洲奏議

卷之三

三

處流來面生可疑及趁食僧道一應無文引之人俱不許擅入山場容留居住本山之人亦不許爲僧入道私自朔立菴院巡司官兵人等敢有貓鼠同眠縱容隱匿以致仍前爲非釀成禍患者許巡按御史并按察司分巡官體訪拏問如律如此則控制有人而流亡不敢入聚關防嚴謹而盜賊久自潛息矣

一應設關門二處臣看得風門口在萬山之巔連崖疊巘亘如長雲忽兩山中斷開一峭峽如劔劈然東下石路陡絕縈紆十二里至花園口抵

河南林縣界西來迴繞山脊陵十八盤過麥積山旁瞰無底之壑仰逼雲日乃太行之脊是爲山西壺關縣地方臣欲於此處設一關門立名玉峽又北去百餘里山名洪梯石磴齒齒盤迴霄漢四圍懸崖立壁蘄截如削直至絕頂始開一峽口狀如風門而小鳥道橫亘上凌青旻望之若虹霓然臣欲於此處設一關門立名虹梯以上二處皆河南進兵之路向來羣賊據此以拒官軍者也此實險阨要害之地前此官府不爲設守反以資寇合無伐取本山之石結砌關門加以樓楯固以扃鑰玉峽關則以玉斗崖巡檢司守之虹梯關則以白雲谷巡檢司守之如此則丸泥可封萬夫莫敵足以壯形勝之觀足以奪盜賊之氣不徒爲山民一時之計且可爲中原巨盜之防矣

一應開修道路八處臣看得自崇岩至谷堆底路一條合修三十餘里有深澗二處山水暴漲人不得渡宜作橋梁二所林木又極茂密宜加斬伐立石突礙處宜鑿磴道崎仄處宜闢洪梯至柏木都路一條除可堪經行外中有二十餘

里與崇岩谷堆底大略相似七里穿至花園路  
一條十二里俱土山戴石突出離立極爲陡絕  
逼礙宜大加修闢務令車馬可通青羊至潞州  
路一條該修二十餘里智度寺至魯班壑路一  
條該修三十餘里七里穿山南底至李莊路一  
條冬春水乾沿河底而行夏秋潦水成川夾崖  
有路而小俱是土山易於修治黃松嶺至谷堆  
底路一條乃指揮秦洲敗績處險路二十里青  
羊村至神頭嶺路一條險路三十餘里中間山  
勢險峻大石阻礙去處俱動支官錢募夫開鑿

桂洲奏議

卷之三

三

其土山路小而止須闢廣者責令各村鄉夫照  
界用力平治以上八路旣通則山中無可恃之  
險而盜賊之謀自消阻矣

一河南林縣地方應設軍堡三處臣看得該縣西  
阻大行山一帶皆層崖峭壁屹如崇墉惟有三  
路通青羊山一路爲花園口一路爲尖統口一  
路爲魯班壑往者青羊之盜流劫河南修武林  
涉等縣由此而出昨者河南大兵進剿由此而  
入蓋兩河三晉之交阨塞要會之地也我太祖  
高皇帝命韓平章攻蟻尖砦盜亦嘗勞師三年

旣而克平乃遷彰德衛一千戶所入守後復移  
置林縣今爲林縣守禦千戶所近據本所千戶  
鄭鐘呈稱該所軍四百名輪班京宣操備缺人  
城守查得山賊未平之時該本所班軍連名具  
本奏乞掣回情願入山殺賊未蒙准行查得該  
所之設原因地當要害移軍防守比之他處不  
同前項軍士合無掣回本地卻於魯班壑花園  
口尖銳口三處各設城堡一座每堡撥千百戶  
各一員管領前項軍士一百三十名分爲兩班  
按季或逐月更番戍守專一巡邏遇有山賊竊

桂洲奏議

卷之三

三

發卽便擒捕仍聽守巡官嚴加約束稽考其修  
築城堡錢糧不須別爲措處查得臣所請賑濟  
銀一萬五千兩除支取賑給外尙多餘銀聽巡  
撫官調度支用但築鑿城壕起蓋房舍亦須規  
制宏壯萬一本地或鄰境有事可以屯軍容眾  
如此則河北之關門慎固山西之盜不得窺中  
州矣

一收降脅虜之人臣初建議亦曰若山險可闢道  
路可通莫若令其依山便業居住照舊納糧當  
差庶幾易於安定今查得副使牛鸞僉事陳大

綱楊朝鳳巡撫都御史王應鵬各招男婦共三千餘名口河南副使翟瓚僉事溫濡祁鶴叅政陶諧各招收共一千四百餘名口俱於臣未至之先安插山中已定臣於彰德府審得見監脅虜平民一百九十一名口又於潞州審得生擒賊眾亦係脅誘四十五名及妄攀平民因賊情誑誤親屬無辜淹禁者四十餘名口俱從釋放寧家前此州縣給以糧米近日又蒙朝廷發銀賑濟今羣情始定頗有樂生之心矣惟在設立縣治之後縣官加意撫卹暫免徭役數年庶幾

桂洲奏議

卷之三

三

漸有生意但經罹兵燹生計蕩然旦夕無以爲命此縣治之設所以急宜舉行一以乘眾心懲創之機而得以收其渙散一以假經營催募之利而得以濟其窘困至於分里編甲造入版圖又在設官到來次第施行前項人民止應如此安插蓋懷土之心勢難強拂况數千之眾雖欲編置他處田地廬舍措處皆難况三王不易民而治天下無不可化之人此前日欲其解散出山之說所以難行而撫處之宜所以失之也伏

惟聖明照察

一山中田地多是旁山高下開墾苦無平疇廣隰  
山場雖廣惟生橡栗荒年可以療饑別無出產  
居民甚貧尙賴牧放牛羊頗擅其利臣先建議  
以爲尙可設千戶所卽以山間土地撥軍屯種  
而以原所屯田抵兌給授收降之人或設巡檢  
司卽以山間田地召募有力無田之人僉充弓  
兵二項區處今不可行蓋收降之人旣已各歸  
本土則山間田地自各照主管業更無空間但  
首惡陳卿之家與經兵殺絕人戶所遺地土恐  
亦不多合當入官俟設縣之後聽巡撫或該道

桂洲奏議

卷之三

三

兵備官委官編里定甲之時一體清查仍要定  
以輕則從寬起科或召便業人佃種或給與填  
實人戶佃種此有司之事可以從宜區處也

一開設縣治起蓋衙宇公館學校舖舍城池壇廟  
街道及設玉斗崖蟠溪峰白雲谷巡檢司三處  
玉峽虹梯關門二座開修道路八條共計一百  
七十里一應木石輒斃夫匠工費大約會計擬  
料合用銀不下萬兩今該州比之偏小地方雖  
頗號爲富庶然近日用兵科索繁重民已不堪  
一昨者伏蒙恩命發銀一萬五千兩令臣量行賑

給止是被賊殘害貧民與脅虜人口除支過銀  
四千兩零五錢賑濟已完臣已動支一百二十  
兩起蓋關門尙餘剩銀一萬八百七十九兩五  
錢在庫合無動支前銀以爲設縣之費萬一不  
敷聽巡撫官於大小衙門贓罰紙價銀內取用  
查得本州匿稅商銀尙以數千計少加追徵無  
不足用俱可不動民力秋毫而眾役舉矣

一議設新縣宜作裁減衙門其知縣必得本處旁  
近州縣官歷任年深練達民情事體者改用除  
另行具題外典史及儒學教官巡檢等官亦乞

桂洲奏議

卷之三

三

勅吏部掄選年貌少壯才幹敏達者以充庶克  
有濟仍伏望聖慈錫以嘉名以昭萬世謹將青  
羊山地形堪設縣治巡司關隘處所畫圖貼說  
具奏進呈仰塵聖覽臣不勝冒昧隕越之至

嘉靖八年正月二十八日題二月十二日奉聖旨該  
部知道欽此





薦用人才以保安地方疏

臣奉命處置潞州地方事情除欽遵外臣看得本州山險地大欲要添設兵備改爲府治青羊村僻在深山隔絕官府以致民易爲盜欲要開立縣治其建置區畫緣由已經開坐具題倘蒙聖慈俯賜俞允則創始之際尤貴擇人臣偶有聞見不敢默默訪得順德府知府陳伯安抱負經濟坎坷仕途起擢曹郎而賢聲懋著厯守名郡而德澤旁流誠得斯人以爲兵備則惠政足以牧養細氓風力足以彈壓姦宄必能整修武備輯和民人而百度舉矣又看得潞州知州周昊器局量平操守廉介

桂洲奏議

卷之三

三

勦繁治劇而綽有餘才應變識體而素懷遠略必得斯人付以新縣則精勤幹濟可以勝開創之勞厯練老成可以任教養之責必能勇建新功坐弭積患而一方安矣臣才非達識輒干用舍之機顧事在得人過有成敗之慮若伯安則臣素知其賢若昊則臣親見其能者也如蒙采聽乞勅吏部再加咨訪果以臣言非謬乞將陳伯安陞按察司副使領勅整飭潞州兵備周昊量陞府同知職事管理新設縣事仍乞特賜綸音勉二臣以三年之後開創功畢政化有成卽宜不次陞擢以旌其勤如此則人才思奮而事業必有可觀地方底寧而生靈

蒙無窮之福矣

嘉靖八年正月二十八日題二月十二日奉聖旨吏部知道

桂洲奏議

卷之三

三



欽定四庫全書

嘉靖八年正月二十八日題二月十二日奉聖旨吏

部知道

懇祈天恩申明屢降勅旨撫諭兵後殘民以安地  
方疏

臣准兵部職方清吏司手本案呈奉本部送兵科抄出  
山東提刑按察司整飭青州兵備副使牛鸞奏爲親老  
身孤懇乞天恩以圖終養事內開先爲親老身孤五乞  
天恩以圖終養事奉聖旨牛鸞已有旨操練民兵聽山  
西調用不准終養欽此欽遵外臣於本年九月內復奉  
陛下明旨蒙兵部移文調遣山西殺賊臣遂於本年十  
月初五日進兵當日辰時遇賊交戰初六日又戰初八  
日又戰所幸四日三捷賊徒敗散擒斬受降之餘所遣  
桂洲奏議

卷之三

罕

無幾臣隨具本令兵部原差千戶樊欽青州左衛百戶  
楊鼎於初九日奏報外是日晚復差前鋒指揮查瑤督  
率千戶劉岱市民曹浩等襲取賊巢遂獲賊首陳卿父  
母妻子弟妹一家人口老幼無遺尙餘賊卿兄弟三人  
未獲臣復遣人四散搜捕賊卿窘迫投赴山西陳僉事  
營訖臣復具本令百戶寇岱奏報彼時臣差人哨探得  
河南人馬於初八日未時到智度寺劄營總兵魯綱及  
山西曾指揮亦於初八日申時到彼劄營此時臣已經  
二三戰矣賊眾已烏伏獸奔矣而各路之兵豈肯後期  
蓋緣河南之林縣山西之壺關縣去賊地方遠出一百

五六十里之外而臣駐劄潞城縣地方出門三十里之外步步是賊巢穴又臣之人馬以初五日出各路人馬以初六日出地里遠近既殊日期先後又異所以賊卿不得不來迎敵臣不得不與之鏖戰故也臣仰荷陛下威靈廟廊成算不意三五日之間倖倖成賊徒捕滅臣於十一日收兵十三日侵晨差人具奏遂班師臣在故鄉見邸報差夏給事中查勘潞城事情臣無任慶幸蓋我陛下天地之仁不但遠被寒谷而日月之明又有以下及覆盆矣容有一夫之不獲哉何也卿賊小醜本不足平而孟浪虛喝人心動搖所以河南山西待之太

桂洲奏議

卷之三

望

深聚兵萬眾屯守年餘彼無知小民遂謂真不能下以致我皇上赫然震怒爰整師旅彼時止是北面一軍而賊卿徒眾已如燈滅火消無復餘燼所以南面大勢人馬接戰未及不免放兵搜捕其焚燒擒斬之中賊之徒類多而脅從避兵之人恐亦未免但使一夫受枉寧不傷我陛下之仁哉臣慮勘官到彼捕盜細人譸張虛誕張大功能不思人命可憐惟欲貪慕功賞雖勘官聰察何所憑據臣彼時襲取賊巢之時搜獲賊卿戰策文簿一扇大小點名簿三扇其中惟有名劇賊統領徒眾者不列於內其餘黨與巢穴徒類姓名無不開載一披閱

間真僞自明除抄謄一部臣自備照仍將原本呈送兵部立案外今復照原本備細抄謄本後以便我皇上觀覽乞勅兵部再將原本抄行勘官會同彼處巡按調取河南山西俘囚一一查審如是簿內有名真賊重處無疑其簿內無名者提取里老親鄰再加研審果係真賊仍加重典若是脅從避兵之人卽與分豁其焚燒室廬果係賊巢去處盜賊產業不難議處若是脅從之家及不係賊巢去處或量爲優卹或量賞價值如此則死者雖不及救而生者尙得分理焚者雖不可復而貧者尙得苟活則人心可安民患可息矣不然臣慮地方殘破

桂洲奏議

卷之三

聖

之餘新撫遺民棲止無所加以小民困頓之情枉抑莫伸之氣而他日之事尙有所不可言者矣臣乞歸之人何暇及此但嘗從事戎末聞見頗真又有搜獲簿籍豈敢自隱以負我皇上受知委任之恩哉等因具本奏奉聖旨牛鸞節年擒斬盜賊多效勞績不准放歸著照舊用心供職所奏事情兵部便行與差去給事中查照施行欽此欽遵備行到臣已經會同山西巡按王朝用案行山西布按二司守巡冀南道叅政等官邵錫等查勘去後今據山西按察司分巡冀南道僉事賈啓呈行據潞州申繳查得前項簿內與見獲人犯姓名大略相同

節蒙審據賊首陳卿執稱原係黎城縣知縣楊良臣招撫之時編爲保甲及蒙欽差兵科夏都給事中隔別調審餘賊許其夥伴往往與簿符合揆厥所由蓋始於楊良臣招撫編爲保甲輯爲草劄賊卿因而瞻之竊爲戰冊遂盡脅其人以爲黨與及照賊犯數多情狀不一或習性兇頑出於風氣或漸染汙俗陷於無知或亡命惡少聲勢相依或脅逼昏愚情非得已加以巢穴險崎官府寫遠遂致鼠狗猖獗豺虎縱橫及我師一臨勢如瓦解攫鋒者授首抵敵者成擒而偷生餘孽鳥散魚驚或倒戈投降或帖耳聽撫今幸渠魁斯得潢池載寧可矜

桂洲奏議

卷之三

三

者旣蒙生全未獲者又蒙招徠旋復舊巢各安故業戒諭之誠孚於心骨賑卹之典惠及妻孥當此畏威懷德之初豈無改過從良之念似亦寧靖不須安插已無嘯聚合免擒拏爲此除分別項數瞻造原冊逐名註寫外申乞施行等因到道據此案照先抄蒙本科案驗該山東按察司兵備副使牛鸞奏前事備行各職查照副使牛鸞奏內搜獲青羊山賊陳卿點名文簿與今見獲賊人姓名一一查對有無相同其簿內有名未經擒獲者若干卽今有無下落抑俱是良民爲其冒造名字必欲汙染逐名查究的確仍查前項文簿是否陳卿編造抑

別有緣故若果係賊名文簿要見已擒獲未擒獲見在  
監故已投首未投首各若干卽今應否安插應否擒拏  
逐項分別明白具由造冊繳報以憑奏處施行等因蒙  
此已經行仰本州查勘去後今據申繳前來爲照前項  
賊犯旣平之後非不欲查將真賊從重處置以絕禍根  
然獸獮草薶旣非仁者之心而棄物絕人亦非明時之  
政牛副使之冊又不早出示人則其所奏已無及矣卽  
日本科會同撫按賑卹教示各項施行無復餘法爲此  
今將前項緣由理合呈乞施行等因到臣參看得副使  
牛鸞所奏搜獲陳卿戰冊及點名文簿先經臣面審陳  
桂洲奏議

卷之三

四

卿執稱原係知縣楊良臣就山招撫編定保甲文簿並  
無戰冊點名字樣後因賑濟覆審被脅山民近將新近  
投首餘黨反覆研究始得情實前項簿籍委係陳卿等  
因見大兵四集將山中附近居民盡數籍記編爲總小  
甲花名無非欲厚集黨與負險拒敵彼時山中人民畏  
懼官兵卒至人人自危各保旦夕其勢不得不相結聚  
其計不得不爲抵敵出於勢迫要非得已所據簿載一  
千二百餘人委係臨時糾合原非平日真盜中間各村  
老幼愚蒙有籍其名而其人竟不知者且各路官兵擒  
斬收降數內查得簿內有名者止四百九名則八百餘



名皆屬見在山民未經擒獲若據有名者皆賊則前日三省兩鎮一萬七千官兵竟不能盡擒而收降二千餘名又非簿內有名人數何其賊之多耶此簿之所以不足據也臣查得原日生擒監候者二百八十餘名口今監故者近二百名送臣會審者八十餘名審係情真陳卿等三十餘名仍解送山西按察司監候奏請審係脅從良民四十餘名即將釋放已訖又查得原日招降者三千三百餘名口臣未至之先已經都御史王應鵬委官安插已定卽今無從查審況簿內有名者未必皆賊若以此爲據不免重有冤枉且足以搖動眾心大非計

桂洲奏議

卷之三

三

之得者以臣之愚當時搜獲此簿祇當卽軍中焚之以安反側斯爲長慮卽如鸞所言亦宜於收兵入城之後卽當以此簿付山西巡撫官會同諸領兵官將陳卿審實卻拘一時見在擒獲收降人犯按此鞠問以別眞僞卽時施行爲是緣何彼時隱匿不發卻私自收藏回家直至聞朝廷差官查勘方將此簿奏聞用情詭秘殊不可曉除經備行查明而該道及該州申呈之詞俱爲有見惟是平日爲陳卿脅誘委曾助惡拒敵官軍亦係簿中有名而近經大兵所未擒者一向潛遁山谷不曾投首尙懷野心加以山民經兵焚蕩太慘旦夕無以爲命

竊可軫憂近日新調知州周昊老成練達深識事機到任以來加意撫處極力招諭續收到前項自來不曾投首被脅餘黨李錦等四十餘名到官及臣抵潞州出給告示多方曉諭之後又投首到陳倫等二十一名前後六十餘名臣謹遵照節奉明旨准其投首仍面加訓諭宣示朝廷德威皇上仁聖俱各舉手加額感激流涕誓死不敢爲惡頗有革心向化之誠自此六十餘人投首之後山中心始安臣竊恐山民聞鸞復有此奏未免驚駭地方將來之患不可不虞伏望陛下天度兼容大施恩宥所據牛鸞原奏簿籍乞勅兵部焚毀以釋羣小

桂洲奏議

卷之三

吳

之疑仍乞特降玉音除首惡陳卿等情眞強賊王英王仲興等三十餘名不赦外其餘安插已定與近日投首到官李錦等并一應簿中有名無名已首未首之人一體通行赦宥申明屢降勅旨謄寫黃榜入山張挂曉諭使山間幸免鋒鏑苟全性命殘民皆仰知陛下如天好生之德泣辜解網之仁憂勞惻怛終始哀矜廣大無窮之意庶使人心大定地方底寧陛下聖德眞可格於皇天而山川草木無不幸甚矣

嘉靖八年 月

日題二月

日奉聖旨兵

部看了來說欽此

桂洲奏議卷第三

桂洲奏議

卷之三

三



93100

09862

